

امور تحریریه ایچون فؤاد بکه
وامور اداره ایچون آرتین افندییه
مراجعت اولنور.

مسئله مزه موافق آثار قبول اولنور.
درج اولماریان اوراق اعاده اولماز.

مجله ادبیات

اداره خانه سی باب عالی جاده سنده
۵۲ نومرولی «شرکت مرتبه»
مطبعه سیدر.

استانبول ایچون سنه لکی مطبعه دن
آلتق شرطیه ۴۰ طشره لره پوسته
اجرتیه برابر ۶۰ غروشدرد.

نسخه سی ۱ غروش

پنجشنبه کونلری نشر اولنور ادبی، فنی و صناعی غزردرد

نسخه سی ۱ غروش

وظائف بیتیة نسوان
(مابعد)

اوشاق قولنامه نك اصولی

بر او خانمی اوشاقلرینه حلیانه معامله
ایتمدی. فقط بوحلم، عجز و رخاوت درجه سنه ده
وارمه ملیدر. بعض امورده کندیلرله مشورت
ایتمکله برابر ائله نك تفرعات امورینه آنلری پك
محرم ایتمه ملیدر. آره صبره آنلره قاعده تصرفیه
رعایت خصوصنده کوزل کوزل نصیحتلر
و کندیلرینه موجب عبرت و استفادده اوله جق
سوزلر سویله ملیدر. کویلیلر عموماً مالک
اولدقلری جزئی نقودی، قیمت حقیقیه سندن
ایکی قات فضلله بر فیئات تأدیه سیله، بر آووج
عرصه مبايعه سنه صرف ایدر لرده بر خدمتله
موظف بولندقلری مدتیجه آندن حاصل
ایتمکلی انتفاعده لاشیء مشابه سنده قالور.
معاشلرندن تراکم آیدن مبالغی اختیار تأهل
ایتمکلیه قدر محافظه ایتملری نه درجه فایده یی
مستلزم اوله جغنی کندولرینه آکلا تمه لیدر.
اوشاقلرک بونجه متاعب و مزاحمه تحمل
صورتیه کسب ایتمش اولدقلری نقودی سوء
استعمال ایتمک خوفیه، اراضی اشترا سنه
مجبوریت کوردکاری بر امر مسلم اولمغله
پارهلرینی امنیت صندوقلرینه تودیع ایتمکلی
حالدده هم صدمه سرقت و ضیاعدن مصون
و هم مستوجب فواید کونا کون اوله جغنی
کندیلرینه تفهیم ایله ملیدر. بر او قادینی

شو ریده، و مست ناز کوزلر
هر لحظه ده بر تبسم ایلر
آچدی کوزینی او مهر انور

یوز طوتدی همان حجاب اولدم

لطف ایله دیدیم، چکنه اصلا!
انسائیسکر، ملکمی آیا؟
باقز یوزیمه آلهی: حالا،

آچز دهنک جواب اولدم

قالقوب پورودی او حوری اطوار
وجهنده ایدوب تبسم اظهار
واحیف که اول غزال رفتار

باصدی قدمن شتابه اولدم



کوزدن چکیلوب کیدنجه اول ماه
ایتم او زمان فغان و ایواه
یاقدی تنی شرار آه، آه!

دوندی جکرم کبابه اولدم

هجران ایله بن اولنجه کریان
رحم ایلدی او مهر تابان
اک صوکره ایدوب بن پریشان

میل ایتدی کوکل خرابه اولدم

عمر فخری



غروبده تصادف

کاشنده کروب شفق زمانی
سیر ایلر ایکن بن آسمانی
سترايتدی ظلام شب جهانی

محتاج ایدی ماهتابه اولدم

مه طوغدی بر آز آچدی ظلمت
رقص ایلر ایدی نجوم هیئت!
بخش ایتدی دله صفای رحمت

عکس آور اولوب سحابه اولدم

کیدم ایچنه شکوفه زارک
کللر بورومش چایک کنارین
یاتمش بزیسی آچوب عذارین

عکس ایلش آتی آبه اولدم

دوشدی بو کوکل او خوش ادايه
دیدار منیری بکزر آیه!
اول مهر جمال، او حوری پایه

دالمش ایدی بحر خوابه اولدم

باقدم یوزینه او نونهالک
زلفی او پیور عذار آلاک؛
کیرمش ایچنه درین خیالک؛

قویمش باشی ترابه اولدم